

D. D

DISSESSATIO JURIDICA.
DE
HYPOTHECA.

PARS I.

QUAM

SUFFRAGANTE CONSULTISSIMA FACULT. JURI-
DICA IN REG. ACAD. ABOËNSI;

PRÆSIDE

MATTHIA CALONIO,

JURIS PROF. REG. ET ORD.

Publico Examini submittit

obea ANDREAS GOTTSKALK,

AUSTRO - FINLANDUS.

DIE XIII. DECEMBERIS ANNI MDCCCLXXXVI.

L. H. A. M. C.

ABOË, TYPIS FRÉNCKELLIANIS.



ADIEH ROTH

Si promissa sua facultatibus suis metirentur, nec mutuam, qua societatem humani generis contineri palam est, fidem proderent unquam mortales; parum omnino abesset, quin ad res creditas in tuto collocandas sola sufficeret *Debitoris* stipulatio, & qua, a primo, quo deberi cœpit, temporis momento bona sua *Creditori* naturaliter tenentur obligatio, ipsis scilicet patrimonii sui visceribus inhærens. Verum, cum tanta esse soleat mutuitantium nequitia & improbitas, ut nihil propemodum quam fallere & falli magis sit quotidianum; vix mirum cuiquam videbitur, pusillum adeo nudis jam tribui verbis, quantumvis & generosæ fidei obtestatione vallatis, ut potius, qui de pecunia mutuum danda rogantur, antequam audire velint, varias sibi constitutas depositant *cautiones*, quarum adjutorio de suo

) 5 ()

suo recuperando securiores efficiantur. Præcipuum in his locum tuetur PIGNUS, cuius ideo naturam intimius pernovisse, magnum sane in justi æquique, quatenus circa MEUM & TUUM versatur, disciplina trahit momentum. Ea in primis hujus species, quæ proprio vocabulo HYPOTHECA dici sœvit, cum, quod a naturalis juris simplicitate longius recedat, tum, quod circa illam pernicioſſime & maximo cum publicæ fidei detri-mento erretur, digna est, quæ ex domesticis patrii juris principiis, missis, quibus exotica-rum legum Doctores hanc materiam assatim implicarunt, tricis, accuratius discussa exhibeatur. Quod itaque cum specimine hoc Academico, pro tenui virium nostrarum mo-dulo facere in animum induxerimus, æquio-rem nobis pollicemur CANDIDI LECTORIS censuram!

§. I.

JUS IN RE creditori in securitatem crediti constitutum, generali nomine *Pignus* adpellatur. Qvia vero laudatum jus constitui solet vel *traditione rei*

in custodiam creditoris; vel nuda ejusdem *obligatione*, manente videlicet illius apud obligantem possessione: duæ hinc oriuntur *Pignoris* species. In priori casu existit *pignis propriæ tale*: in posteriori *hypotheca*, quæ proinde per *jus creditorij in re non-tradita*, in *securitatem crediti constitutum recte definitur* (*a*). Illud solo etiam naturali jure ad firmandam valet rerum creditarum fidem. *Hæc contra legum civilium est inventum*, nec nisi earum præsidio munita, ullum sortitur effectum (*b*).

(*a*). Vox *pignoris*, utrum a *pugno*, quod manu tradatur, prout voluit GAIUS I. 238. ff. de verb. signif. an ab antiquo *pago*, *pēpigi*, quod vel pangende i. e. firmardæ fidei causa, vel sub passionis lege detur; an denique a cognato hinc Graeco πηγω rectius derivetur, nostra parum refert. Vid. his tamei MENAGII *Amor* p. 322. De *hypothecæ* vocabulo, quod a Graeco οποτεσθεα deductum sit, fatis adparet. Cujus ad exemplum Romanos etiam *supponere* pro *oppignorare* & *res suppositas* pro *pignori obligatis* dixisse, manifestum est. Vid. rubr. Tit. ff. de reb. cor. qui sub *Tut.* vel *Curat.* sunt non alien. vel *supponentis*. l. 6. Cod. de *pignor.* act. l. 7. & l. 8. 5. 1. Cod. de *prescript.* trig. vel *quadrag.* amor. Quamvis autem varius olim nec iatis sibi contans utriusque vocis obtinuerit u'us: atamen inde jam a *Justiniano* ævo, cfr. §. 7. *Instit.* de *Action.* hoc potissimum, communibus fere Eruditorum suffragiis, inter illas constitutum est discrimen, ut *pignus* earum proprie effet rerum, quæ simili etiam creditori traduntur, sive mobiles sint sive immobiles: *Eæ contra res*, quæ sine traditione, nuda

nuda tenentur conventione, *hypothecæ adpellatione* contineri dicerentur. Unde & recte EHRENSTRÅLE *Jurispr. civ. sect. III. c. 14. §. 3.* *Kvarde rbet pantsatte leveradt til Creditoren:* heter *rbet i pignus.* Men bebâller Debitor *rbet* selsvær hos sig: *kallus rbet Hypotheca,* utan åtskillnad om ågendomen är fast eller løs. Quo vero evidenterius est, hanc differentiam ab essentia ipsius negotii esse petitam, adeoque & docendi legibus quam maxime accommodatam; eo minus probandi videntur, qui ad *materiam*, quam *formam* obligationis magis intenti, explosam jam dudum recouere laborant definienti rationem, *pignus* mobilium, *hypothecam* immobilium esse statuentes, nullo habito respectu an accedat vel non accedat ipsius rei traditio. Est horum in numero, præter alios oblerioris fame, WOLEIUS *Instit. Jur. Nat.* §. 697. ab iis etiam, qui alias in sua fere jurarunt verba, hoc in puncto desertus.

(b). De *pignore*, quin juris naturalis, vel quod eodem recidit, quin sua natura aptum sit ad securitatem creditori prætandam, quatenus scil. in ejus custodiā ac possessionem transfertur, nemo fortassis dubitaverit. An vero idem valeat de *Hypotheca* queſtio est altioris indaginis intimis necepe Juris naturalis recessibus innexa, quæ si rite enodetur, & universæ huic doctrinæ multum lucis adfundet, & patravit de hoc argumēto legum æqvitati demonstrandæ distinctiusque perspicienda inserviet. Non autem, quod probe notandum, id jam quæritur, annon per principia Juris naturalis fieri queat, ut quis rem suam, servata sibi ejus possessione, creditori suo assignet, cum ad effectum, ut *debito*, quo padum fuit tempore, non soluto, creditor jus habeat eam invadendi, & solutionem ex illa, vel si alienari eandem contigisset, ex pretio ejusdem, quatenus in bonis creditoris existat, vi-

repetendi. Qvotus enim quisque est qui non videt, etiam
 citra expressam conventionem creditori jus esse, sicuti
 debitor in termino ultro solvere renuerit, bonis ejus
 ubicunque inveniantur manum injiciendi, atque tum
 quidem ei, qui de suo recuperando certat, electionem com-
 petere, an praeceps ex re obligata, an ex aliis prom-
 tius distractis satisficeri sibi velit. Neque id in con-
 troversiam vocandum, utrum non creditori jus sit, rem
 a debitore sibi obligatam, sed apud tertium iam, &
 quidem mala fide manifeste tali existentem, persequendi.
 Nam & haec persecutio, si vel aliunde sibi satisficeri ne-
 queat, vel creditor ex re ita apud tertium existente
 solutionem praecoptaverit, nulla quamvis hypothecaria
 ejus obligatione supposita, utique erit ipsi adferenda.
 Tertius enim possessio, sive rem debitoris vi aut furto
 abstulit, sive cum debitore in creditorem fraudandum
 collusit, injuriam creditori intulit, solutionis impetrande
 facultatem ipsi intercipiendo, coque justam huic belli sibi
 intentandi causam suppeditavit. Qva propter, & cum
 in neutro casu quidquam novi juris, quod praeterea
 creditori non competit, hypotheca operetur, per se
 patet, frustra eam & inutiliter horum intuitu in statu
 naturali constitui, cfr. PUFENDORF. *Jur. Nat. & Gent.*
L. V. c. 10. §. 16. In eo potius omnis questionis hu-
 jus vertitur cardo, an ex pacto hypothecario jus credi-
 ri enascatur in re obligata, vi cuius in statu naturali
 eandem a quoque possestori, & per consequens etiam
 ab eo qui ejus dominium bona fide adquisivit, vindica-
 re queat. Si juris vel naturalis vel Romani interpretes
 conculere velis, tantum non omnes uno quasi ore adfir-
 mantibus audias, hypothecam esse *jus in re*, id est facul-
 tatem rei apud quemque possestorem persequendæ:
 atque hinc Hypothecario creditori vindicationem rei sup-
 po-

positæ, non obstante ejus alienatione, aut bona adquirentis fide, quamdiu res existenter salvam manere: Fieri enim non posse ut res aliter quam cum suo onere transeat. Sed si hoc, ac jam diximus, modo definiatur *jus in re*, vereor ut, sola naturali ratione inspecta, ullum tale in humanae vitæ societate existere possit. Vult jus naturæ ut certa sint inter homines rerum dominia, quippe quorum certitudine sublata, infinitas oriri turbas necessitatis. Quidquid ergo ad evertendam dominiorum securitatem directe tendere intelligitur, id & ex generali de pace colenda & iis quæ ad eam servandam conducunt unice faciendis præcepto, prohibitum censeri debet. Eo vero procul dubio tenderet indulta ista contra bona fidei possessorem vindicandi facultas. Quantum enim ad tuendam dominiorum securitatem in eo situm est momenti, ut adversus *mala fide* possidentem æterna sit vindicandi auctoritas; tantum contra ad labefactandam eandem, & justissimam etiam possidendi conditionem precariam reddendam, quin imo ad disturbandam omnem commerciorum rationem valeret, si par vindicandi facultas cuilibet etiam adversus bonae fidei possessorem concederetur. Qvis ignorat *dominium* in omnimoda sua perfectione spectatum complexum esse omnium iurium, quæ cuiquam in re aliqua competere possunt. Sed tantum abest, ut domino infinita illa rei suæ apud quosvis possessores persequendæ potestas attribui debeat; ut potius si ulla unquam futura erit rerum ac mercium inter homines permutatio, ad solum male fidei possessorem eam restringendam esse ipsa svadeat, quæ humano generi fere propria est, mutuae opis indigentia. Si autem domino, cuius pinguissimum in re sua jus est, hunc præfixum voluit vindicationis terminum naturalis ratio, quem & qua *mobilia* saltim, nostræ. X. 7. XI. 4. XII. 4. XVII. 2. HBl. Rikf. St. Besl. ora Banquen den. 22.

(8)

Septemb. 1668. §. 57. cfr. RABENIUS *Om. klander å
lös egendom, som på god tro kommit i tredie mans
hand* Ups. 1770. & aiarum nonnullarum gentium, vid.
MEVIUS ad *Jus Lubec.* Lib. III. art. II. Tit. 1. 2.
HEKTIUS *Paroem Jur. Germ.* Lib. I. paroem 13. qua-
damentis agnoverunt leges: quidni & idem jutum erit
qua Hypothecarium crediorem, intuitu rei ubi obligatae,
quam possessione sua non detinet, et cuius alienandie
facultatem, debitori, sub conditione tantummodo solven-
di debiti, salvam reliquit. Si debitor paci leges violavit, &
Titio rem vendidit Cajo prius obligatam, pretio emtio-
nis huic interverso, quid hoc ad Titum, qui bona fide
a domino rem emerat, quam nec rescire, nec suspicari
quidem poterat ære alieno esse gravatam. An is ob de-
bitoris frandem & creditoris imprudentiam suis multabili-
tur bonis? Non sane patitur iustitia, ut ob alienam
culpam, cuius nulla ratione particeps fuit, tanta adicia-
tur injuria. Si hoc admittetur, actu foret inter ho-
mines in statu naturali degentes de possessionis omnis
securitate. Nonne iequius est, ut creditor, in cuius po-
testate fuit firmiori vinculo sue securitati proprie-
tate fuit credibilitatis ferat penam, ut a persecutione
rei repulsus, contra debitorem, cuius fidem fecutus est,
qua velit via experiatum, quam ut tertius possessor, pe-
nes quem non erat obligationem rei adhaerentem subo-
dorari, sua fraudetur pecunia. Qvenadmodum autem ex
his nullo negotio colligitur, quidnam sentiendum sit de
hypothecis, quas gens genti, Princeps Principi in suis
constitutis rebus, eas nimistim nullius esse vltis, seu &
de iis judicarunt PUFENDORF I. cit. GUNDLING de
jure oppignor territ. §. 60. de NEUMANN. *Jur real.*
Princip. §. 384. & allegatus *ibid.* LEIBNITIUS in
Præfat. Jur. Gent. diplom. ita simul adparet hypothe-
cam

cam proprie talem, quatenus tanquam diversum quid
ab ea concipitur obligatione, quæ simulac deberi coepit, pa-
trimonio debitoris naturaliter inneditur, legibus tantum-
modo civilibus esse procretam. Etenim hæc, ut hypothecarias
obligationes variis follementatibus, quibus ad
communem civium notitiam facillime perducantur circumscri-
bere, coque ipso providere possunt, ut rerum hoc nomine ob-
ligatarum nec nova oppignoratio, cuiquam nisi supine
negligenti, aut stolido credulo fraudi unquam esse queat:
sic & absque ullius injurya, pariter ac sine ulla certitudinis
dominiorum in civitate turbatione, *jus reale*, quod
seil. *ipsam officiat rem*, in hypotheca creditori consti-
tuere valent, eum ad effectum, ut si in alienam posses-
sionem res iuppolita transierit, de solutione debiti ex
eadem impetranda novum possessorem, actione in rem
convenire queat. Si cautelas legitimas in sui favorem
introducedas non observaverit emor, habebit quod sibi
imputet. Damnum, quod inde sentit, tanquam quod sua
culpa sentiat, sentire non putatur. Adcurate namque
loquendo non alio habetur censu, quam si *malæ fidei* esset
possessor, quippe qui rem, de qua, an alteri alicui prius
esset obligata, facili negotio certior fieri potuisset, sibi
adquisivit, coque si non *doli*, *culpæ* tamen ad dolum
proxime accedentis reatum sibi contraxit. Quatenus igitur
in legum civilium potestate est cavere, ne in re ob-
ligata, plus juris quam quod ipse revera possidet, con-
stituere aliis queat debitor; etenus quoque earum patet
facultas, *jus reale* hypothecario creditori in illis in-
dulgendi. Quoties hoc efficere ultra legum vires positum est,
toties, nisi manifestæ iniquitatis accusari velint, nec id
sibi arrogant, ut mudæ conventioni, jus in re, sua au-
ctoritate adjungere laborent. Cumque illa fraudum in aliena-
tionibus & obligationibus rerum præcavendarum potestas, per

ipsum commerciorum in civitate habitum modo latius patet, modo arctioribus terminis sit conclusa: sit inde ut variis etiam sint *juris in re* cum hypotheca connexi gradus, vindicandi nim. facultate nunc longius porrecta, nunc intra angustiores cancellos restricta, nunc omnino nulla eidem adhaerente. Quibus autem principiis universum legumulationis hypothecariae rite comparatae mysterium innitatur, prout prudentibus & rerum ipsorum usu subactis causae hujus estimatoribus ex adductis perspectu haud difficile futurum confidimus; ita nec obscurum esse poterit, qui factum, ut cum ex Romani juris placitis, jus perlequende hypothecae privata conventione sive in mobilibus, sive immobilibus constitutae, contra quosvis possessores creditoris est permisla, hodiernarum pene omnium in Europa nostra gentium legibus, refragante licet Doctorum prejudiciis suis innitorum turba, in tantum inde discessum sit, ut hypothecaria actio, sola fere *immobilium* & judicialiter quidem obligatorum classe terminetur, rarius ad privatim obligata, rarissime vero, & non nisi in casibus extraordinario quodam favore dignis ad *mobilia* producatur, quippe quae ex communi regula *sequelam non habere* dicuntur. cfr. HUBERI *prælest.*
Jur. Civ. I. III. p. 1033.

Quod autem leges hypothecam, ad qualemcumque *juris in re*, naturaliter vix nisi *traditione* constituendæ, dignationem provexerint, ejus rei ratio ex utilitate hypothecarum repetenda est. Etenim cum gliscentibus commerciis, publicæ rei quam maxime interesse animadvertisserint Principes, ut pecunia, ceu rerum omnium gerendarum nervus, continuo, eoque celerrimo ac ferret negotiorum natura, inter cives agitaretur motu; hoc vero non obtineri, nisi provideretur, ut & mutuam facile invenirent, qui-

quibus opus esset, & qui dandam haberent fenebrem
tuto collocare posset: hinc quia *fidejussores* praestare
difficillimum haud raro accideret; nec tanta cuiquam fere,
ne opulentioribus quidem, in primis ultra quotidiani usus ne-
cessitatem, iuppeteret mobilium copia, quanta ubi grandio-
rem pecuniam mutuam sumendam res postularet, pigno-
ris loco opposita tuenda creditoris securitati sufficeret:
debitores autem ad ædes fundosque & prædia credito-
ribus mox tradenda compelli & durum & multiplici re-
spectu damnosum videretur; in eam tandem inciderunt cogita-
tionem, ut nudam rerum, præsertim immobilium, aliquando
etiam mobilium assignationem, traditionis quasi vice habendam
julerent, parique ac hanc naturaliter comitatur jure, quo ad ejus
heri pollet, communitam vellent. Quod institutum, quo
magis & provehendæ agriculturæ, & opificiorum ac com-
merciorum flori promovendo, inservire deprehensum est;
eo quoque sollertia in linando eodem, & novis cau-
telis, quibus novitiis occurreretur fraudibus circumsepien-
do elaboratum est, ut quod primitus rude erat ac infor-
me, fallaciis partim ac perfidis illusionibus undique pa-
tens, partim cum necessaria in civitate dominiorum cer-
titudine ad concordiam difficillime redigenda, eo usque
excultum jam adpareat, ut in plerisque populis, hypotheca
quantumvis civilis juris fetus, ad pignoris, natura
licet sua pinguior, securitatem, quam proxime accedere
videatur, ceu id Leges Romanas & antiquiores hodierna-
rum gentium, cum recentioribus contendenti perspectu
haud erit devium. Verum historiam hujus in orbe nostro
instituti scribere nobis jam non est propositum. Memi-
nisse potius juvabit, hypothecam antiquis nostratium le-
gibus tantum non sive incognitam, & eo quidem us-
que, ut nisi ad eam referre velis exempla *VIII.* 4.
Tbingsm Bl. UplL XXX. Timgm Bl. LL. XXI. ÁBI-

StL. in *princ.* obvia, quæ tamen alio niti videntur fundamento, nec in maritimis contractibus *Gottl. StL.* *Lib. III. P. 3. c. 14. Wisby SjöR.* art. 10. alia ejus adpareant vestigia, quam quæ sequioris ævi consuetudo introduxit, vid. *Art. 37. §. 57. l. prox. cit.* Quæ olim fiebat oppignoratio rei sive immobilis sive mobilis, traditione interveniente erat facienda, & contractus pignoratus haud fecus ac apud reliquos Germanos, ipeciementionis cum pacto de retrovendendo initæ, ut plurimum referebat, cuius juris etiamnum nonnullæ supersunt reliquiæ. *I. 1. IX. 3. 7. JBL. Adel. Priv. d. 16. Octob. 1723. §. 27.* Dicebatur autem pignus promiscue *Wädb* & *Pant* *IX. JBL. VII. KöpmBL. UplZ. X. JBL. WGL. XVI. Egbl.* *BL. ÖGL. VII. VIII. JBL. X. XI. KöpmBL. LL. I. 1. JBL. VI. VII. X. XII. KöpmBL. StL.* Neque enim, quod a nonnullis juris antiquioris inter pretibus constituitur dis crimen inter *Wädfatt* & *Pantsatt gods*, ac si illud rescum claufula commilloria, hoc sine tali claufula pignori oppositas denotaret, legibus usque quaque suscinetur, ut loca allata id iatis evincunt. Cfr. IHRE *Glossar.* voce *Wad* & *Pant*; item du CANGE *Glossar.* *med et infim.* *Lat.* voce *Vadium.* Exolevit vero jam vox *Wädb* & remansit in usufol. in *Pant*, quod hodiendum & de *pignore proprie tali* & de *hypotheca* adhibetur *IX. 2. 3. 4. 8. JBL. X. I. - 7. & underpant XVII. 2 JBL.* quod licet frequentius hypothecam notet, paucim tamen & de *pignore usurpatum*. Hinc quoties alterutra species sigillatim designanda venit, addi solent epitheta, quæ notionem vocis generalem ad hanc vel illam restringant. Sic *Pant then man i bånder får X. 1. HBL. som man i bånder bafver §. 6. ibid. Lös pant XVII. 2. HBL. V. 3. UtsBL. Pantfatt jord theri ver kelig införsel är gifven, IX. 7. JBL. Fast pant theri Bargenär sitter, XVII. 13. HBL.* pignus notant rei tra-

traditæ vel mobilis vel immobilis, quod posterius speciam
Antichresin vocant: eum ex adv. rigi *Pantsörskrifning*, för-
 skrifven pant *XVII.* 9. 10. *HBl.* V. 6 *UtsBl.* inteknad
 pant *IX.* 2. *HBl.* intekning *XVII* 8. 11. 12. *HBl.* VII.
 1. 2. *RBl.* Förlagsord. d. 24 Febr. 1748. §. 2. *Hall-*
ordn. d. 2 Apr. 1770 art. *V.* §. 5. vel contractum hy-
 pothecarium vel rem hypothecæ subiectam annuant.

§. 2.

Tria ergo sunt, quæ ad formandam completam
Hypothecæ notionem requiruntur: Duæ nimirum per-
 sonæ *Debitor* & *Creditor* (*a*): *Res* securitatem *Cre-*
ditori præstare apta (*b*): & rei istius in crediti fidem
obligatio (*c*): E quibus simul adparet, hypothecæ
 constitutionem negotium esse *accessorium*, quod sine
 præstructa obligatione quadam alia *principali* ne in-
 telligi quidem queat (*d*).

(*a*). Quemadmodum *debitor* is est, a quo invito præstatio
 quæcumque, cuius modo pecuniaria est æstimatio, exigi-
 jure potest, ita vicissim *Creditoris* appellatione contine-
 tur non tantum, qui pecuniam credidit, sed cui ex qua-
 libet causa debetur. *I.* 11. 108 ff. de verb. signif. *Ille*,
 nobis *Gåldenår*, *Skuldenår*, *Låntagare*, si rem suam,
 quo magis tutum sit debitum, obligaverit, *Hypothecarius*
Debitor, *Pantågare* *IX.* 4. 6. *JBl.* *Hic* in vernacula,
Borgenår, *Långifvare*, si eam obligationem acceptave-
 rit, *Creditor Hypothecarius* *Panthafvare* *IX.* 1. *JBl.* di-
 citur. Quod autem uterque esse possit *persona* vel *sim-*
plex vel *composita* per se patet.

bnp

B 5

(b). In



(b) In *re*, quæ hypothecæ nomine obligatur, generatim requirimus, ut sit ad securitatem creditori prestatandam idonea. Qua propter necesse est (1.) Ut res sit *alienationis* capax, quo debitore non solvente in pecuniam mutari, vel in possessionem & dominium creditoris transferri queat. (2.) Ut sit obligantis *propria*, pleno scil. *dominio* ad eum pertinens. Dicimus *obligantis*, nam ut res *debitoris principalis* sit *propria*, prout vulgo docent, id præcie non requiritur. Etenim, ut ex cuiusvis, cui lex impedimento non est, arbitrio pendet, an pro altero fidejubere velit; ita nec quidquam obstat, quominus, ubi creditor per sonam suam sequi noluerit, res suæ fidem pro alieno debito interponat. cfr. *K. Resol. på Krigs Bef. Befvär af de indelte Regem til Häst d. 16. Octob. 1723.* §. 15. (3.) Ut secundum *tempus præsens* & ex *pretio communi* æstima ta valeat ultra quantitatem debitam, quo sic & ad foris & ad usurarum periculum avertendum sufficiat. Quo tamen creditorem non prohiberi, quo minus, ubi hypothecam tanti valoris habere nequeat, rem vel minoris pretii, vel ex sola debitoris affectione spectatam obligati sibi faciat, ut ejus adminiculo, saltim pro parte crediti tutus præstetur, evidentius est quam ut moneri debeat. (4.) Ut anteriori al qua hypothecaria obligatione in tantum non sit onerata, quin & creditori, quocum jam agitur, satisfieri inde queat. Non ergo constitui potest hypotheca (α.) In rebus extra commercium positis: Non (β.) In bonis privatis alienis, domino non consentiente X. 1. *JBl.* Talia autem sunt respectu possidentis prædia dotalia IX. 4. *GBI.* usufructuaria VIII. 1. *JBl.* Fideicommissaria, cfr. *Förlags Ord. d. 24. Febr. 1748.* § 15. & quæ quis conductiois lege utenda fueranda accepit XVI. *JBl.* cfr. XI. 4. *HBl.* Non (γ.) In bonis communibus, nisi qua eam partem quæ est obligantis; quod

quod enim in iis ultra est, in alieno intelligitur esse de-
minio: Non (d.) In prædiis coronæ seu fiscalibus, in
quibus vel utile tantum dominium, vel nudum jus per-
petue possessionis sine ulla proprietatis particula alicui
est constitutum; & ne in iis quidem, quorum distractio ali-
as, ceu in prædiis equestri militiae præstandæ assignatis
obtinet, in solutionem debiti est permissa. *K. Br. d. 10.*
Ostob. 1688. K. Resol. d. 14. Ost. 1723. K. Förord. d.
9. Junii 1726. Et d. 22. Febr. 1749. Exceptis tamen
prædiis coronæ Metallicis, *FörlagsOrdn. 1748. §.*
2. & emphyteuticis, sive dominium eorum directum ad
publicum vel privatos pertineat. *K. Resol. på Ridd. ocb*
Adel. Besv. d. 29. Aug. 1668. §. 53 K. Resol. på All-
mog. Besv. d. 17. Sept. 1723. §. 77. quippe quæ certis
sub conditionibus in fidem crediti devinciri possunt. Nec
(e.) In iis, quæ in universitatum sunt dominio, sive ad
pios, quos vocant, sive alios quoscunque usus destina-
ta. *Präf. Priv. d. 16. Ostob. 1723. §. 5. K. Br. ang.*
Stådernes jord d. 25. Sept. 1745. item *d. 27 April*
1750. Nec denique (f.) Regulariter in bonis, quæ adus-
que vel ultra verum suum pretium prius jam obligata
sunt. *IX. 5. JBl.* Hæc summatim observasse satis sit.
Quæ præterea, qua diversas hypothecæ species, circa
res in obligationem deducendas notatu digna fuerint, in-
fra suis locis commodius proponentur.

(c.) *Obligatio rei non-traditæ, quæ ipsam formam hypothecæ abiolvit, si ad finem intentum producendum valebit mutuo* constituatur oportet debitoris & creditoris, vel quibus hi suam vicem *mandaverint, consensu,* eoque vel *directo* in ipsam obligationem, vel *indirecto* in fac-
tum e quo hypothecaria rei obligatio ipso jure emergit.
Ubi alteruter horum vel uterque aut natura, aut ex legis
dis-

dispositione ad consentiendum fuerit inhabilis, tales autem sunt, quibus negata est bonorum suorum administratio, deficiente ejus consensum supplebit is in cuius positus est tutela *XI. 1. 6. GB.* accidente inluper non nunquam Judicis competentis autoritate. *XXII. 3. AB. IV.* 8. *JBl. coll. c. K. Förord. om län i Banquen på omynd. fasta Egend. d. 29. April 1756.* Sed & hæc ipsa, in frequentibus, ubi res ita tulerit, latius erunt explicanda.

(d.) Cum non propter se, sed propter majorem crediti fidem ac securitatem constituantur hypotheca; consequitur inde obligationem ex hypotheca provenientem, principalis illius, qua debitor ex credito accepto tenetur *subfidiariam* tantum esse seu *accessoriam*, adeoque solam & per se subsistere non posse. Accedit vero hypotheca *mutuo* plenumque, ut frequentissime obvio; sed accedere quoque potest aliis quibuscumque contractibus, tacitis aut expressis ex quibus alteri aliquid debetur. Ubicunque enim credito & debito, ibi & hypothecaria non minus quam cæteris causationibus locus.

§. 3.

Contracto autem debito, constituitur hypotheca vel sola legis provisione, vel expresso debitoris & creditoris consensu. Hinc in tacitam seu *legalem*, quæ a lege inducitur (a.) & *expressam* seu *conventionalem*, de qua partes inter nominatim convenit, dispescitur. Nos de *illa* primum, de *hic* deinceps videamus.

(a.) Cum nec *causæ* credendi, nec *personæ* creditorum una ea-

eademque omnes assimilande sint ratione; sed aliae propter
 æquitatem, aliae ipsa humanitate id efflagitante, aliae de-
 nique ob publicam utilitatem singulari quodam favore
 digne videantur: invalidit inde, ut quibusdam creditis,
 sola legis potentia, circa partium voluntatem, saltim prin-
 cipaliter eo directam, hypothecæ indulgerentur, quarum
 præsidio diligentius illorum securitati caveretur. *Privile-*
gio ergo vel causæ vel persona vel utroque conjunctim
 tanquam proximo suo fundamento innituntur quotquot
 sunt leges, que de hisce hypothecis disponunt. *Tacitas*
 illas vocabant Romani, cum rectius *legales* dici debu-
 sient. Ratio hec erat, quod cum ex eorum philosophia
 nulla unquam nisi ex consensu nasci posset obligatio;
 expressus autem, in speciebus harum hypothecarum apud
 illos receptis, manifeste deficeret: aliqualem tamen in-
 tervenisse fingerent Doctores, quem, licet presumeretur
 tantum, consueta fibi inter tacitum & præsumptum sin-
 gulis in casibus distinguendi incuria, tacitum ut plurimum
 adpellabant. cf. THOMASIUS, *Dissert. de hypo-*
potb tac. propter pecun. lustr. S. I. not. (a.). Interim
 cum utraque adpellatio communis jamdudum juris evaserit;
 Et quod inter hypothecas tacitas conventionales & lega-
 les commentus est discrimen HERTIUS *Diss. de pign.*
convent. tacito. tanto minus fibi conflare videatur, quanto
 certius sit, allegata ab ipso priorum illarum exempla
 vel ad hypothecam expressam, vel ad naturalem rerum
 debitoris in crediti fidem obligationem rectius pertinere;
 nos terminos hypothecæ tacite & legalis, prout & vul-
 go fieri solet, promiscue adhibebimus. Ceterum quam-
 vis hypotheca tacita, Germanis das stillschweigende unter-
 pfand, in legibus, ac constitutionibus patriis, quantum
 nobis quidem videre datum fuit, proprium, quod eidem
 respondeat, vocabulum non habeat, res tamen ipsa di-
 ferte

ferte satis in illis proposita reperitur. Colligitur nam
 eam constitutam esse ex variis verborum formulis ac
 conceptionibus, quae vel (1.) Expressa nulla partium
 conventione supposita hypothecariam obligationem claris
 verbis rei cuidam adnecunt, ut *XVII.* 3. *JBl.* vare
 ock altid skattejorden underpant för try års ränta. C.
H. Red. *SjöL.* och vari skipslotten emedlertid then til
 säker underpant, som förskutet bafver: Vel (2.) Securi-
 tatem in re quadam debitoris, creditori præ ceteris
 aliis impertiuntur, ut *XI.* 2. *JBl.* niute sin säkerhet i
 tbet som såldt är fram för andra &c. vel (3.) Creditori
 facultatem concedunt, res debitoris in ipiusmet posselli-
 one adhuc existentes, privato ausu, non in interfignium
 aut admissi recognitionem, vidermåle, ut *IX.* 1. 2. *XVII.*
 3. *BygnBl.* K. *SkogsOrdn.* d. 12. Dec. 1734 § 9.
 quippe quod huc non pertinet, sed in solutionis securi-
 tatem, cum distrahendi jure, pignorandi, ut *XVII.* 5.
JBl. bafve ock ägaren mact, at hålla gästens gods quar
 &c. *VIII.* 11. *UtfBl.* bafve Borgenär väld at behålla
 gods hans til sin säkerhet. *XIV.* 4. *SkipBl.* *SjöL*, baf-
 vi tbå mackt at taga af innebafvande gods så mycket
 &c. vel denique (4.) jus prælationis in te debi oris credito-
 ri simpliciter assignant, quorum spectant formæ, tbet skal
 först galdas, bafve förträde, äge förmon &c. *XVII.*
 4. 5. 6. 7. 8. *HBl.* Non enim dubium quin omne jus
 prioritatis, ex præstructa pendeat hypothecaria rei obli-
 gatione. Meminisse præterea juvabit, quod quoties le-
 ges creditori potestatem indulgent, detinendæ rei debi-
 toris, cuius jam antea, alio licet sub titulo, *naturalis*
 apud creditorem est *possessio*, idque vel eum in finem,
 ut emanente solutione in rem ipsam parata sibi sit exse-
 cutio, vel ut saltim debitor desiderio rei suæ ad satis-
 dandum aut solvendum quantocuyus compellatur; toties
 non

non hypothecam, sed pignus tacitum constitutum intelligi debet. Sic *pignus tacitum* est, quo frumentum, opifex, promercede, in re in opificium ubi tradita *XVII. 3. HBl.* Commodatarius & depositarius in re commodata & deposita ob impenias necessarias eam in rem factas *XI. 3. XII. 8. HBl.* Emor in praedio retracto, ob funtis necessarios & utiles in illud aut ejus causa factos *V. 11. JBl.* Patronis cause, pro honorario, in instrumentis & actis, illius intuitu sibi traditis *XV. 12. RBl. &c.* Quamobrem nec ad stipulari possumus VULTEIO qui pignoris in *expressum* & *tacitum* distinctionem, non generis esse, sed speciei, iolius feil. hypothese, exiliimat *Jurispr. Rom. Lib. I. c. 34 p. 193.* Evidens namque esse arbitramur exempla allegata, & quæ plura hujus generis occurserint, cum in illis res obligata in creditoris sit possessione ac custodia, ad *pignus*, non ad *Hypothecam*, esse referenda.

§. 4.

Hypotheca tacita vel certa tantum bona creditoris, vel universa adficit. Si prius *specialis*; si posteriorius *generalis* dici suavit (*a.*). Quoniam vero ex foliis Legumlatoris pendet arbitrio, quæ & qualia credita peculiaris securitatis privilegio communita velit, sequitur, omnem hypothecam tacitam strictissimi esse juris, ut proinde judici non liceat, constitutam, ultra casus definitos, ad alios fortassis similes producere, multo minus novam ullam absque expressa lege comminisci (*b.*).

(*a.*) Hæc hypothecæ in *specialem* & *generalem* distributio,

ad tacitam solam pertinet. *Conventionalis enim omnis ex*
juris nostri hodierni principiis, contra quam superiori
seculo obtinuit, ut videre est ex Rätteg. Process. d. 23.
Junii 1615. §. 19. ubi in formulis juramenti caluniae
actori & reo prescriptis, oec til een bögre förvaring,
sätter jag til en viss underpant alt mitt gods både
rörligt och orörligt bådbe thet jag nu äger, oec här
efter åga får: & Ihes til bögre försäkring sätter jag
til underpant, alt mitt gods, thet jag nu äger och
bärefter åga får, item Riks. St. Besl. om Banken d.
22. Sept. 1668. ubi in subnexa formula obligationis
hypothecariæ aedium urbanarum, thd skal Banken vara
fritt och obelindrat af annan min och the minas E-
gendom i löft och fast fram för någon annan sig näjak-
tetigen at betalt gör, specialis fit necesse est, ad singularem
icit aliquam rem, aut plurimes singulares, sed plene determi-
natas, restricta. Unde & frustranea jam est questio, de
qua disputat EHRENSTRALE Jurispr. Civ. III. Afd. c.
14. §. 8. et in Emendatt. ad l. cit. p. 112. utrum mu-
tuanti consultius sit generalem an specialem sibi hypothe-
cam stipuluri? Obligatio enim univerorum bonorum ju-
dicialis lege non indulget; nec privato forte instrumen-
to constituta idem in bonis vel immobilibus vel mobi-
libus non traditis securitatem operatur.

(b.) Regulam hanc a doctoribus tantum non omnibus re-
 ceptam & adprobatam optimis superstructam esse argu-
 mentis, vix ullus temere negaverit. Est namque (1.)
 Hypotheca tacita, praeter communem juris rationem in-
 troducta. Que autem talia sunt, non facile trahi de-
 bent ad consequentiam. (2.) Si extensiva legum de
 hypothecis tacitiis disponentium interpretatio, ultra quam
 eadem & rationis paritate & communi insimul ac con-
 stan-

stanti fori usu a Principe tacite adprobato sustinetur, Jūdicibus esset pernissa, metuendum utique foret, ne iub imaginaria aequitatis specie, infinitus brevi earum existet numerus: quo ipso (3.) Omnis hæc doctrina vaga & incerta, rorundique creditarum fides, cuius damna majora plerumque sunt, quam que estimari possint, laxa admodum redderetur & ambigua. Hinc ne mireris in *Cod. Frider. Prussico P. II. Lib. V. Tit. III. §. 1.* expresso sancitum esse: *Dergleichen stillschweigende Pfänder, oder Hypotheken, werden durch die gesetze constituiert, daher über die in Unseren gesetzten festgesetzte Zahl keine tacita hypotheca statt haben, noch auf andere Fälle, ex paritate rationis, extendiret werden kan.* Nec est quod objicias, nullam talem in jure nostro cautelam reperiri. Superflua quippe visa est. Sana enim unum quemque condocet ratio, hypothecas hafce privilegiorum habere naturam: eas itaque datas probari debere: ubi vero datae probari nequeant, jure communis standum, & ne latum quidem unguem inde recedendum esse.

§. 5.

Gaudent vero *hypotheca tacita speciali*: Locator ædium in rebus hospitis ædi suæ illatis ibique extantibus, pro mercede conductionis & victu (a.): Dominus vel Magister navis, in mercibus navis invectis, pro vectura, expensis & contributione (b.): Nautæ in iisdem pro stipulata mercede operarum & ministerii (c.): Exercitores navis in parte socii instrucionem ejusdem recusantis, pro pecunia ad eam instruendam prænumerata aut mutuo accepta (d.): Institutum ad-

Securitorum pro avertendis periculis ædium ex incendio Holmiæ erectum, in ædibus adsecuratis, pro præmio adsecurationis credito cum usuris ultimi anni (e.): Venditor rei immobilis in re vendita pro pretio integro vel ejus residuo, donec firmatio tituli emptionis judicialis accesserit (f.): Dominus census seu canonis annui prædiorustico impositi, in prædio censito pro triennali censu (g.): Dominus directus, pariter ac proprietarius prædii rustici, pro pensione & mercede conductio-
nis triennali, item pro legitima aestimatione deteriora-
tionis prædii, in rebus domini utilis aut conductoris fun-
do illatis (h.): Tandem & dominus superficie, in
ædibus a superficiario eidem inædificatis, pro qualicunque hujus debito. (i.). Præter hæc, an alia den-
tur hypothecæ tacitæ specialis in patria exempla o-
mni exceptione majora, equidem haud facile dixerim
(k.).

(a.) Extra concursum creditorum, locator securitate fruatur
in bonis hospitis redi suæ illatis, pro quantocunque de-
bito ex mercede conductionis et alimentis suppeditatis pro-
veniente, *VIII. 11. Ut/Bl. XVII. 5. 3Bl.* Sed cum hoc
privilegio Locatores in ceterorum creditorum præjudicium
facillime abuti posent; igitur cautum, ne moto-concurfu,
ullum hinc nascatur *jus prælationis*, nisi qua mercedem
solummodo ultimi anni, a proximo, antequam bonis cessit
debitor, conductionis termino computati, & viatum tri-
um proximorum mensum, ex conditione sua & communi
de facultatibus suis opinione aestimatum *XVII. 5. HBl.*
Quicquid ergo a longiori retro tempore mercedis aut

victus nomine debetur, id, ex intermissa legitima ejus exactione, tacita velut *novatione*, in chirographarium debitum transisse presumitur. Quod vero in luxum & helluationes quando demumcunque creditum fuit, id persone, non rebus creditum satis intelligitur. Quin autem, quae pro mercede domino ædium in bonis primi conductoris competit hypotheca, etiam huic, si ædes a se conductas sublocavent, in bonis subconductoris competit, id quidem nullam habet dubitationem. Sed quæri solet, an, mercede a primo conductore non soluta, *dominus hypotheca fruatur in rebus subconductoris*, quatenus ædibus suis sunt illatae? Adhucant hoc plerique. Verum equidem, cum casus in jure nostro non sit decisus, vix aliter admittendum id vellem, quam si sublocator, mercede converta a subconductore sibi non soluta, actionem sublocati sibi competentem, domino ædium cesserit. Nam præterquam quod durum foret, res subconductoris, dum ipse suo locatori nihil debet, domino ædium pignorandas subjicere; æquum etiam videtur, ut cessione non facta, ejus quisque, quocum contraxit, fidem sequatur.

(b.) Tribuunt Nauclero aut domino navis hanc hypothecam, pro vectura *Frakt och Skepslega XVII. 5. HBl. VIII. 11. Ut/Bl. XIV. 4. SkipLB. SjöL* pro expensis vero & contributione, quatenus illa in merces navii inventas computantur, *K Försäkr. ocb Hafveri Stadg. d. 2. Octob. 1750. om Hafveri. Artic. V. memb. 2. §. 5* cfr. *LOCENII. Jus marit. Lib. III. c. 3. §. 4.* Veniunt autem nobis *expensarum* nomine ea impendia, navigationis promovenda causa facta, quæ sub *Havaria minori* seu *ordinaria*, vulgo sic dicta, continentur, quæ in quo consistant late explicat laudata *Conf. l. cit. Art. 1. §. 1. 2. Contributionis contra ad-*

adpellatione eam intellectam volumus damni reparacionem, que ad *Havriam grandem*, vulgo *Hafveri gross*, pertinet, de qua loc. cit. Art. III. Quandoquidem vero haec hypotheca, pariter ac illa, cuius not. (a.) prox. preced. mentionem fecimus, res obligatas non ultra alieunt, quam quoad eadem in ædibus locatis aut nave vel in naucleri custodia existere deprehenduntur; facile adparet eam nullius plane usus futuram, nisi creditori, sufficiente cautione tibi non præstata, concessa esset, donec sibi satisfiat, earum retentio. Hinc & utramque cum jure detentionis conjunctam leges voluerunt, ceu allegata loca id fatis evincunt.

(c) XVII. 5. HBl. Est haec hypotheca de earum genere, quarum nullus, nisi cauſa ad concursum devoluta, sentitur effectus. Extra concursum enim Exercitores multa proposita ad nautis satisfaciendum compelluntur. XXIV. SkipmBl. SjöL. K. Reglem. för Coopn. Sjöfolk d. 30 Mart. 1748. Art. V. §. 3. Fundamentum autem ejus partim in eo situm est, quod opere & ministeria nautarum in eas præcile res versa sint e quibus ipsis jam debetur, quodque hinc naturaliter mercedes eorum cum ipsarum mercium pretio coalecant: partim & in favore, commerciorum, qui omanino exigit, ut navi onereque falsis, tuti de conventa mercede pæstenur, qui ipse e-jus allecti iuitio se crediderunt mari, pūllumque lucrum multiplici vitæ discrimine redimere non detrectarunt. Hinc neque ullius momenti sunt, quæ contra hanc hypothecam disputat KURICKE Quæst. illustr. qu. XII. parem esse iiquiens, nautarum rationem, atque fabrorum lignariorum atque ferrariorum, qui etiæ domum aliquam sua opera & ministerio compaginaverint & exstruxerint, aut etiam ligna & ferramenta ad loc con-

contulerint, non tamen inde sibi jus pignoris in domo extructa arrogare possunt. Nam licet prior ratio & qua hos obtineat: posterior tamen ex commerciorum favore petita, cuius magna vis est, in illos non quadrat.

(d.) *C. H. RedBl. SjöL.* Quemadmodum vero argumenta proxim: adducta ad hujus hypothecæ, ut & illius quam pro vectura, expensis & contributione indultam paullo ante diximus, æquitatem demonstrandam applicari possint, cuivis, nobis etiam tacentibus, facile eit perspectu.

(e.) *K. Förord. ang. förmåns rätt för the län som af Brand och Försäkr. Cont. til busens försäkr i Stockb. uudfås, d. 1. Junii 1748.* Et patet quidem inde, hanc hypothecam niti partim verione crediti in rem ex qua debetur, partim peculiari favore quo publica salus utilissimum hoc institutum prosequendum, ejusque indemnitatii propiciendum jubet. Adjecta autem cautela, qua proveniens hinc jus πεωτοτεραζως ad fortem ipsam & ultimi tantummodo anni usuras restringitur, id efficit, ut reliquis creditoribus, quorum in damnum alias facile detorqueri posset, nihil ex hac hypotheca metuendum sit prejudicium. Quocirca & illud inde in ipsum institutum commodi redundat, ut quibus ejus mandata est curatio, ad diligentiam in usuris annuatim exigendis adhibendum compellantur.

(f.) *XI. 2. JBL.* Qui juris Romani adscripti sunt glebae, fundamentum querunt hujus hypothecæ, in dominio rei venditæ, ante solutionem factam plene non translato. Dicunt enim ULPIANUS. *I. 5. §. 18. ff. de tribut. act. res venditas non alias desinere esse meas, quamvis vendidero, nisi ære soluto vel fidejussore dato, vel alias satisfacto*



facto: Et POMPONIUS *l.* 19. *ff. de contrab. emt.* quod *vendidimus non aliter fieri accipientis, quam si aut pretium nobis solutum sit, aut satis eo nomine factum, vel etiam fidem habuerimus emtori sine ulla satisfactione,* quod ultimum, quomodo de facto, quo venditor dominio se abdicavit, intelligendum sit, interpres prolixè expli-cant. cfr. §. 41. *Inst. de rer. divis.* Sed ut hæc Juri nostro non conveniunt, quippe quo dominium rei immo-bilis, emtione venditione peracta, etiam nec dum fecu-ta fuerit traditio, in emtorem translatum censeatur, seu vel inde patet, quod & periculum rei, nisi aliter pactum fit, ab ipso venditionis momento, ad emtorem pertinere intelligatur: ita alii tacitam hic hypothecæ reservationem a parte venditoris intercessisse communiscuntur. Verum & hoc frustra. Sufficit namque Legumlatorem favisse caussæ venditoris ob manifestam ejus aquitatem, & aper-tissimam, cui alias locus futurus esset, ejus fraudandi occasionem. Quid scil. æquius, quam ut res immobilis vendita, pro ipso suo pretio, cujus solutione tota haud raro vertitur venditoris salus, tantisper maneat obligata? Quid evidenter, quam sublata protinus hac obligatione, amplissimam improbis emtoribus patefactum iri viam, alienatione aut oppignoratione prædi, id efficiendi, ut pretio conuento aut nunquam, aut non nisi difficillime potiri queat venditor? Quod autem cessare voluerit Le-gumlator omnem tacitæ hujus hypothecæ effectum, ex quo, post trinam proclamationem firmatio judicialis emtioni acceſſerit, negata deinceps venditori actione in rem, nisi intra istius temporis effluxum expresa hypotheca fibi prospexerit, ejus rei ratio non e longinquo est arces-fenda. Etenim cum solutio pretii nullam desideret juris follennitatem, ideoque in commune innotescere nequeat an & quando venditori fatisfactum; nemo non videt, fo-la

la legali hypotheca in infinitum producta necesse fore alterutrum accidere, vel ut, obtentu soluti pretii, circumspetis minus novis emitoribus aut creditoribus dolo circumveniendis lata panderetur porta, vel ut impedita admodum, ne dicam pene impossibilis, redderetur prædiorum fere omnium sive alienatio, sive pro novo debito obligatio: quorum tamen utrumque præcaveri publicæ rei valde interesi.

(g.) *XVII. 3. JBI. XVII. 6. HBI.* Adscit hæc hypotheca prædia omnia censui aut decimis pendendis obnoxia, quæ in privatorum sunt dominio. De potestate autem, quæ hujus intuitu Fisco competit in prædiis censitis, quorum census sibi debetur (*Krono Skatte hemman*), revocato vel abolito, ob intermissam per integrum triennium canonis debiti præstationem, jure censitico, proprietatem fundi in solidum sibi vindicandi, ejusque potestatis origine & fundamentis, quæque ad minuendum illius rigorem olim & recentiori ævo adhibita fuerint temperamenta, hujus loc⁹ non est differere. Consuli ea de re poterint *K. Carl. IX. Husefyns Ordn.* 1591. *K. Carl XI. Husef. Ordn.* d. 18. Julii. 1681. §. 17. *Skattl. Metb.* d. 13. Januarii 1688. §. 6. *Inst. för HäradsF.* d. 9. Octob. 1688. §. 10. mom. 4. *K. Camm. Coll.* *Kung. om Ödesb.* d. 27. Nov. 1730. *K. Resol. på Allmog. Besv.* d. 28. Jun. 1731. §. §. 30. 42. d. 10. Sept. 1743. §. 13. d. 29. Nov. 1756. §. 41. &c. Notandum folum, non prorogandam esse hanc hypothecam, ultra debitum ex vestigalibus trium proximorum annorum, cf. *K. M. Inst. för LandsHöfd.* d. 4. Nov. 1734. §. 25. & extinctam eam censeiri, quam primum translato in alienum dominium prædio obligato, titulus adquirendi novi possessoris judicialiter confirmatus, nisi credi-

tor interea expressam sibi constituendam fecerit hypothecam. *K. Br. d. 1. Febr. 1700.* Quibus cautelis introducendis, quænam subfuerint rationes ex antecedentibus satis liquere arbitramur.

(b.) *XVII. 6. HBl.* cfr. *Adel. Priv. 1723. §. 18.* Cum in confessio sit, fructus e prædio conducto perceptos, in rem *coloni* versos esse; hunc vero ad eosdem suos faciendos jus non habuisse, nisi sub conditione præstandarum & mercedis & operarum ad prædii conservationem necessariarum: haud iniquum videbitur, *domino*, pro conventa mercede & legitima deteriorationis prædii æstimatione, hypothecam in rebus coloni mobilibus, ex sua quippe re quæfitis, esse concessam. Quam tamen ad alia mobilia, quam quæ fundo illata & inducta sunt, extendendam non esse, ex ipsa caußâ indole elucescit, quod & ABRAHAMSSONIO in *not. ad c. XXII. AB! LL. p. 342.* recte observatum. Nec differt an colonus titulo dominii utilis, aut sub conditione partiendorum ex æquo fructuum, aut admodiationis jure, aut alia quacunque conductionis lege prædium utendum fruendum acceperit. Quod autem neque hæc hypotheca, quatenus mercedem spectat, ultra eam, quæ pro ultimo debetur triemio, porrigitur, ejus rei rationes ex ante allatis sunt manifestæ. Sed cum eadem, ad reparationem damni ex deteriorato prædio, legitima quippe via & oculari inspectione definiendam *c. XXVII. BygnBl.* applicari nequeant; & publice interfit, ut debita sua prædiis rusticis conflet cultura; hinc & ad integrum ejus æstimationem, quatenus scil. colonus in culpa fuit, producitur. Venit ceterum in partem hujus hypothecæ Fiscus, pro tributis & præstationibus publico nomine fundo privato impositis, quippe ex quibus dominus predii immediate, colonus

nus vero mediate tantum Fisco obligatur. cfr. *Adel.*
Priv. 1725. §. 25.

(i.) *XVII. 6. HBl.* Tendit hæc hypotheca ad consolidandum dominium ædium cum dominio superficie. cfr. *IV. 6. JBl* nec ullum nisi moto concursu habet effectum.

(k.) Erat olim hypotheca tacita Tabernario publico indulta in rebus hoīpitis tabernæ illatis pro victu & vectura *K. Gåstgifu. Ord.* d. 19. Aug. 1664. §. 24. item posseforibus ulvæ communis, in prædio condomini, pro silva venum cæsa *K. Skogs Ord.* d. 29. Aug. 1664. §. 15. Verum has jam abrogatas esse docent *K. Gåstgifu. Ord.* d. 12. Dec. 1734. §. 16. *XXVIII. 9. BBl.* *K. Förordn.* d. 11. Sept. 1766. §. 24. & *K. Skogs Ord.* d. 12. Dec. 1734. X. 1. *BygnBl.*

§. 6.

Generali contra Hypotheca in universis debitoris bonis constituta fruuntur, & quidem ex privilegio caussæ, qui pecuniam in sepultnum obærati debitoris crediderunt (a): Qui inventarium bonorum ab ipso relictorum confecerunt pro præmio laboris & expensis (b): Pauperes, ad assignatam suis usibus portionem ex summa inventarii percipiendam (c): Qui medicinam faciendo, medicamina & vietum suppeditando, aliquaque operam commodando, debitori ultimo morbo decubenti adfuerunt, pro foistro, pharmacis & labore (d): Famulitum pro mercde proximi



ximi aut currentis anni (*e*): Fiscus pro tributis ultimi anni (*f*): *Ex privilegio autem personæ*, Liberi & Pupilli in bonis parentum ac tutorum, ratione eorum quæ tutorio nomine ab his sunt administrata (*g*): Pia corpora & Universitates in bonis administratorum pro pecunia fidei eorum commissa (*h*): Fiscus similiter in bonis administratorum ob pecuniam fidei illorum mandatam (*i*): Qui de ordine sunt Nobilium, in bonis illorum, quos annuis suis redditibus colligendis rationibusque eorum reddendis præposuerunt, pro pecunia interversa (*k*).

(a.) *XVII. 4. HBI.* Consuetudine fori, cui procul dubio ansam dedit commune olim in patria Juris Romani studium, quippe ex ejus principiis, ob pietatem & ne infepulta jacerent cadavera, *impensæ funeris semper ex hereditate deduci*, & cum bona solvendo non essent, *omne creditum præcedere solebant l. 45. ff de Relig.* & sunt. funer. primum introducta est hæc hypotheca, nec, quantum scio, ulla ei legalis accessit sanctio antequam per *K. Resol. pâ Åbo Stift Besv. d. 18. Dec. 1697.* Æstimantur autem sumtus funeris ex dignitate & facultatibus defuncti, ut neque plus imputetur sumtus nomine quam factum est, neque tantum quantum est si immodice factum est. Unde nec voluntas defuncti sequenda est, si res egrediatur iustam funeris rationem *l. 12. §. 5. l. 14. §. 6. ff. l. cit.* Modum autem sumtibus funerariis ponunt variae *Constit. Regiæ*, quas recenset *WILSKMAN Eccles. Werk.* sub voce *Begräfning pp. 48. 49. 811. 812.* ad quarum ideo tenorem, quatenus hodie-

dicium valent, eosdem, ubi de iis quæstio inciderit, exigendos esse facile intelligitur.

(b.) XVII. 4. *HBI.* Ratio hujus hypothecæ inde derivanda est, quod in commune creditorum commodum vergat inventarii confessio. Iis autem qui illud conficiunt, unam centesimam ex summa universi patrimonii, detractis inde noninibus incertis, adsignat *K. Förordn. om Magistr. Pers. arfvode vid Bouptekn.* d. 10. Dec. 1756. quæ quamvis ad sola spectet municipia, paucis eorum quibus peculiari statuto aliter est provisum exceptis; at-tamen & ruri circa æstimandas haec impensas fundamen-ti velut loco inferire quodammodo poterit. Saltim ean-dem servant præmii pro consignato inventario quantita-men, quæ, ad desiderium plebis, pro nonnullis territoriis e-dita fuere statuta particularia. *K. B. til Götba HofR.* d. 8. Julii 1761. *K. M. Utst. för Torne &c. Härader i Skåne* d. 3. Dec. 1762. cfr. *K. M. Förordn. och Ta-za* d. 23 Maii. 1733.

(c.) XVII. 4. *HBI.* Est hoc institutum, ut nimirum de bonis defunctorum octava cujusque centesimæ portio pau-peris cedat, Regi CAROLO XII. acceptum referendum, quippe qui primus idem introduxit *K. M. Förnyade Tigg. Ordn.* d. 21. Oct. 1698. §. 7. Æquitatem autem hujus contributionis, simulac hypothecæ ejus nomine constitutæ, vi cuius aliis plerisque debitibus antefertur, nemo, quod opinor, in dubium vocaverit. Est scil. su-ttentatio egenorum, qui proprio labore inopem vitam tolerare nequeunt, de eorum quidem officiorum numero, quæ naturaliter ex sola humanitate, imperfecta, quam vocant, obligatione debentur: quamobrem & natura cuivis integrum est suopte judicio & stipem quærentium indi-

indigentiam mestiri, & liberalitati suæ quem velit statuere modum. Ut vero in societate civili illibata hæc singulis constet libertas, publicæ felicitatis non sinit ratio. Ea quippe flante, necesse foret accidere, hinc intempestiva aliorum commiseratione, ut improbae mendicitati, qua vix alia calamitosior civitati cogitari potest pestis, somes improvide administraretur, illinc fordida aliorum avaritia, ut vel negatis fibi crudeliter aut parcus suppeditatis necessariis vitæ praesidiis misere perire cogarentur pauperes, vel ut universo eorum alendorum onere in molliora habentes pectora inique inclinato, omnis tandem in civitate consumetur misericordia. Quemadmodum ergo alias saepe, quæ natura imperfecti sunt juris, legibus civilibus in perfecta commutantur officia: ita, ut id in hac cumpromis fiat causa, & ad æquabiliorum pauperum curam & ad communem rei publicæ securitatem permagni omnino interest. Hinc & in omni civitate bene comparata quinam in personarum vere miserabilium classem referendi sint Magistratum partim, partim Cleri cognitioni reservatum: stipis in eorum alimentationem conferendæ necessitatem singulis pro facultatum fuarum ratione, sub quadam voluntariæ largitatis specie injunctionem: peculiares præterea fiscos, e quibus publico velut nomine privatæ singulorum beneficentie succurratur, institutos: varios infuper collectandi modos, quibus pecunia e privatorum loculis, ipsis id vix sentientibus, in fiscos hosce derivetur, excoxitatos: & supremam universi hujus negotii curationem Principi vindicatam esse observes. In innumeris vero stipis in hos usus colligendæ confiliis, ut hoc ipsum, cuius mentionem fecimus, singulari sapientia & moderatione se commendat; ita nec vel heredibus vel creditoribus, in lucrandi, aut fui, saltim quadantenus, consequendi articulo constitutis

tatis grave videbitur aut onerosum, si pauperes, sua & ceterum, ubi publica defuerit pecunia, liberalitate alendi, etiam cum prioritatis jure in tantillani lucri confectionem legis beneficio perducantur. In ergasteriorum autem, sicuti ea in provinciis erigi contigerit, usum hanc jamjam ad ignatam esse novimus stipem. *K. Br. d.*

11. Julii. 1786. At valde falleretur, qui eam hoc ipso a primitiva tua destinatione abstractam sibi perfvaderet. Quis enim neicit, ad provincias validis mendicantibus purgandas, efficacius nullum adhuc dum inventum esse remedium, quam ut in ergastula detruisi ad operas subeundas frenue cogantur: & paucos preterea esse veros mendicos, alienæ opis indigos, qui non simul aliquo occupationis genere, viribus suis adtemperato, utiliter detineri queant. cfr. *K. Förordn. om ett Rasp- och Spinn- bus inrätt. d. 21. Oct. 1698. in princ.*

(d.) *XVII. 4. HBL. K Resol. d. 1. Aug. 1698. §. 4.*
Et in Medicorum ac Pharmacopolarum, & in regrotantium gratiam, ne scil. qui horum notorie pauperes & ære alieno oppressi fuerint, illorum ope ac opera destituantur, hanc introductam esse hypothecam dixeris. Restrigitur vero eadem, ob caussas ante allatas, ad honorarium pro ministeriis sub ipso lethali morbo, *thereddas sidsta sjukdom, præstitis, & pharmaca in tentatam ejusdem morbi curationem aut levamen credita.* Dicimus autem lethalem morbum eum, quo proxima mortis defuncti caussa continetur. Cujus quidem duratio in *acutis* facilime definitur: in *chronicis* vero non æque; in quibus ideo ad ingruentium tandem symptomatum gravitatem & manifestum virium decrementum respiciendum esse jubet ratio, ne *miserabilis crediti* privilegium ultra quam fas est, in aliorum creditorum damnum prorogetur. *Aesti-*
man-

manda autem sunt, honorarii Medico debiti quantitas, & pharmacorum pretium, ex iis quæ ea definiunt Constitutionibus. V. K. M. Medic. Taxa d. 6. Aug. 1777. Quocirca & reliquæ impensæ in curam ægroti factæ, ad dignitatem ejus & facultatum modum, morbiique diuturnitatem & vehementiam exigendæ erunt.

(e.) XVII. 4 HBl. K. Förordn. om aftrådes och förmons tvister d. 26. Aug. 1773. §. 3. mom. 4. Famulitii appellatione non eos tantum comprehenos volumus qui ad serviles operas legitime conducti, in domo debitoris, mortis sui tempore, mensa ejus & convictu utuntur vel alias suis aluntur impenis; sed & illos, qui liberalioris conductionis lege, certa ac determinata eaque honorat ora ministeria in debitoris gratiam obeunda suscepereunt, etiam vel separatam sibi constituerint Osconomiam. Illi in Jure nostro Tienstebion, hi Betiente vocantur. *I. cit.* & XLII. I. MGBL & posterioris quidem vocis ambitus latissime patet. Sic ut hi suum sudorem suosque labores, in res debitoris, quæ creditoribus jam cedunt, vel conservandas vel augendas contulerunt: ita humanitatis non minus quam æquitatis est, ut qua mercedulam pro ultimo conductionis termino, ex contractu vel communi confuetudine sibi debitam, hypotheca fruantur, qua adjuti reliquis plerisque creditoribus anteferantur. Quod quidem beneficium nec propriis debitoris liberis denegandum, si suas operas parentibus locasse intelligantur. Quæ a longiori retro tempore debentur mercedes, eæ in simplex ivisse creditum præsumuntur, ideoque privilegio carent.

(f.) K. Br. den 14. Jun. 1696. K. Förordn. om aftr. tvist. d. 26. Aug. 1773. §. 3. mom. 4. De hypothecataci-

tacita speciali pro censu & pensionibus praediorum rusti-
corum fisco concessa, supra est dictum. Hæc dē quia jam
loquimur, ad ea pertinet tributa, quæ rebus immobili-
bus non inherent, sed personis civium, reliquisque eo-
rum facultatibus imponuntur. Eam autem ultra contri-
butionem illius anni, quo currente diem obiit aut bonis
cessit debitor porrigidam non esse, loca allata fatis com-
monstrant. cfr. ARNELL ad. c. XVII. *ABl. StL.* p. 334.
Si ante diem primum mensis Maii capite census decele-
rit, quid obtineat, docet *K Br. til Camm. Coll. d. 24.
Martii 1724* cfr. *K. Cammar Coll. Notif. om upb.
Term. d. 11. Maii 1724.*

(g.) *XVII. 8. HBl.* Competit hæc hypotheca minoribus
& pupillis intuitu omnium bonorum quæ *tutorio nomine*
vel a *parente* superflite XX. 1. 2. *ABl.* vel a *Tu-*
toribus, sive *Testamentariis* §. 3. sive *Legitimis* §. 4.
sive *Datibus* §. 6. *ibid* administrantur. Quæ autem illa
sint, quæritur. Ea, opinor, quæ vel successionis jure
sive ab intestato, sive ex testamento pupillo obvenerunt,
vel alio quidem titulo primum quælita, sed cum his in
unum postea conflata legitimo divisionis instrumento Tu-
tori curanda ac custodienda cesserunt. Hinc pro *pecunia*
lustrica, id est donis, quæ recens baptizatis a Patriniis
in primis offeruntur, nobis *Faddergåva*, nullam in bo-
nis parentum hypothecam liberis jus nostrum indulget.
Quod in quantum æquitati convenientia paucis dispicere
tanto magis e re nostra esse videtur, quanto notius
est, quam hæc quæstio olim Jureconsultorum exer-
cuerit ingenia, quamque miris illa alterationibus occa-
sionem dederit. Statuebant nimirum alii hanc pecu-
niā, quod quasi in compensationem sumptuum bapti-
smalium daretur, non infantī, sed parentibus adquiri, &
E 2 su-

supervacaneam ideo esse omnem de hypotheca ejus nomine constituenta controveriam. Atque horum quidem caussam peroravit THOMASIUS *Dissert. supra cit.* Alii contra, multo plures, ex intentione dantium manifestum esse putabant, infanti eam adquiri. Sed at quodnam *peculii* genus referri, & an ejus intuitu hypotheca liberis concedi deberet, de eo vehementer inter se discentiebant. Plerisque tamen placuit ad *adventitium regulare* illam pertinere, adeoque hypothecam in bonis parentum liberis in ejus securitatem dandam esse, & id quidem, judicante BOEHMERO *Jur. Eccles. Prot. III. 3. 42. §. 47. non alio de caussa, quam quod CARIZOVIUS, BRUNNEMANNUS, STRYKIUS, RICHTERUS ceteraque Jurisprudentiae lumina, quorum auctoritas in praxi plerosque in suum traxit partem, hoc dogma propagaverint.* Cir. HARPRECHT *Scintim. Octodecimi Hypoth. Spur. §. 14.* Qua et re factum est, ut eadem hæc tententia leges iplas plurimarum gentium in suam redigeret potestatem. Veniam his longius immorari jam non vacat. Regredendum potius ad Jus patrium hodiernum. Agnoscit id *munera lustralia* liberis, non parentibus, adquiri. Quamobrem &, si moto concursu in bonis parentum *in specie* existent, facultatem illis impertitur, ea ipla tanquam sua, *separationis jure* sibi vindicandi. Quinino, si distraeza fuerint, actionem iis concedit, ad estimationem eorum ex bonis cessis exigendam; sed ita tamen, ut inter simplices chirographarios collocandos eos velit, ceu hec omnia ex loco classico *XVII. 2. HBl.* plus fatis sunt manifesta. Adparet hinc, recessisse Jus nostrum hodiernum & a Jure veteri, quo pecunia iustifica, etiam alienata, cum fructibus inde perceptis, *jure separationis*, & tanquam quæ in rem parentum nunquam abiisset, liberis erat adjudicanda *XXI. ÅBl. StL.* & ab eorum op-

opinione, qui hypothecam saltim in ejus securitatem donatario indulgendam censuerunt. Cujus quidem rei sequentes reddere licebit rationes. Est (1.) pecunia lustrica de earum donationum numero quibus Jura nostra non favent. Vix enim alii rei nisi luxui fovendo & patrinis iniuititer onerandis inservit. Unde & jam dudum, quod sine dubio adpareret dona magis quam patrinos queri, & opulentiores frequenti admodum ad hoc officium obeundum invitatione prægravari, de coercenda intempestiva hujus donationis licentia laboratum constat. Vid. *Gottl. StL. Lib. IV. P. I. c. 18. K. M. Stadg. ang. atsk. Oordn. bland Adel. d. 30 Aug 1664. §. 5. & d. 19. Decemb. 1668. §. 9. item ang. Oordn. bland Præsterk. d. 1. Mart. 1669. §. 21.* (2.) Adhaeret id plerumque his donationibus incommodi, ut mota de quantitate earum quæstione, nullo fere alio de ea constare queat argumento, quam sola parentum confessione. Et licet huic nullam in causa liberorum leges hodie tribuant fidem; prudentis tamen non foret Legumlatoris, cum eorum impudentia cæterorum creditorum vel pudorem vel miserationem committere velle. Fieri namque posset, ut hi, ne immites & parum elegantes viderentur, ipsimet profiterentur, facile se passuros, ut parentam in hoc puncto assertio plenæ probationis vice habeatur. (3.) Si legali hypotheca munita esset hæc pecunia, metuendum utique foret, ne ad incitas redacti parentes falsa confingerent instrumenta, vel commentitias alias conquirerent probationes, quibus adjuti, munerum lustralium liberis suis debitorum obtentu, creditores suos turpiter emungerent. (4.) Quamvis miseranda haud raro sit conditio liberorum, quorum parentes foro cedunt, aut qui gravatam supra suas vires hereditatem abdicare coguntur; miserabilior tamen est creditorum fors, quam

ut eos, ceteroquin etiam rerum suarum jacturam facturos, cum exitio publicæ fidei, fraudibus locum probabiliter habituris, exponi conveniat, praesertim cum sepiissime incertum remaneat & ambiguum, annon pecunia de qua recuperanda agitur, in rem liberorum eandem jam repositentium versa fuerit. (5.) Si tandem ex mandata vel deposita pecunia, nullam mandanti hypothecam concedendam voluit Legumlator, ob facillimam istius hypothecæ ad iniquissimas fraudes tegendas detorsionem; quidni & idem juris erit qua munera lustralia, quæ pariter per modum simplicis mandati, privata ut plurimum fide, donatarii parentibus custodienda traduntur vel administranda. Aut valde fallimur, aut suscetura haec videbuntur ad sapientiam & aequitatem Juris nostri hoc in puncto vindicandam. Nec difficile perspectu, extendere se hotum argumentorum vim ad negandam minorenibus hypothecam legalem pro quacunque etiam alia pecunia, quæ sive vivis sive defunctis parentibus vel privata donatione ipsis est quæsita, vel quam proprio labore partam ipsimet Tutori suo custodiendam commendarunt. Haec enim eadem ejus quæ numerum lustralium est ratio. Sin acciderit donatam infanti pecuniam legitimo divisionis instrumento sibi reservari, & una cum reliquis suis bonis hereditate acceptis in Tutoris administrationem conferri, aliter sane prouinciandum videtur. Haec quippe omni fraudis suspicio ne vacua, lege aut Magistratu adprobante, Tutoris creditur fidei, & tutorio ab eo nomine recipitur. Nec quæ contra hypothecam in bonis parentum pro pecunia lustralica aut alia simili adductæ sunt rationes, ullum amplius qua hanc locum inveniunt. Cæterum ut, que tutoria potestate administranda recipiuntur salva prætentur & secura, tanto est æquius, quanto certius, ad publicam pertinere curam, ut pupillis subveniatnr. **XXIII.** *i. Abi. K. Förkl. d. 21. Oct.*

Oz. 1721. §. 2. Quæ vero pupillo, ea &, si ante rationes redditas & bona sibi restituta morte decesserit, heredibus ejus, contra Tutorem & illius heredes competit actio hypothecaria; quæ tamen neutri eorum indulgenda contra eos, qui a Tute pécuniam pupillarem mutuam acceperunt, quippe quod omnia nomina a Tute facta iplius sint periculo.

(b.) XVII. 8. *HBI.* *Pia corpora* ea nobis audiunt collegia ac universitates, quæ vel *religionis* vel *pietatis* causa in gratiam nempe miserabilium personarum jubente aut adprobante Principe coierunt. Ad priorem classem pertinent Ecclesiæ, *Kyrkor*: ad posteriorem *Fattigbus*, qua generali voce continentur Nosocomia, Ptochodochia, Brephotrophia, & quæ ad vitalium viduis & orphanis ex collata eum in finem pecunia præbendum constitutæ sunt societas. cfr. *K. M. Stadfæst.* på *Civil stat. förening om en underb. Cassa för theras Enkor och omynd. barn d. 1. Febr. 1743. mom. 5. På Präst. St. d. 16. Sept. 1746. mom. 1. På Milit. Statens d. 30. Junii 1747. mom. 1. Per administratores autem horum corporum eas intelligimus personas, quæ redditibus eorum colligendis, dispensandis, rationibusque reddendis præponuntur. Atque hi sunt, quorum universum patrimonium Corpori pro pecunia fidei ipsorum mandata, hypothecæ nomine devincitur.*

(i.) XVII. 8. *HBI.* Administratorum Fisci adpellatione continentur omnes quibus pecuniae publicæ, aut immediate Fisco reservatae aut in certatum universtatum ac collegiorum usum assignatae, collectio & custodia est commissa. Horum autem & ordines & genera fere sunt innumera, ut eorum omnium recensum inire hujus opellæ limites non patientur. cfr. *Regem. Skr. Instr. d. 15. Febr. 1733. §. 16. K. Br.*

om Ståd, Upp. män d. 8. Januar. 1729. K. M. Utsl.
på Mngist. i Åbo ansökn. d. 19. Oftob. 1757.

(k.) XVII. 8. HBl. Indulta primum fuit hæc in ministerialium
fuerum bonis Ordini Equestri hypotheca per K. Resol.
på Ridd. och Adel. Besv. d. 29. Nov. 1680. §. 23. in
fin. deinde & in Ridd. och Adel. Priv. d. 16. Oftob.
1723. §. 18. & Jure communi confirmata. Quæ vero
pro cambialibus XVII. 14. HBl. & aliis nonnullis de-
bitis per K. Förordn. d. 17. Januar. 1746. K. Manuf.
Priv. d. 29. Maii 1739. §. 22. & K. Resol. på Ståd.
Besv. d. 17. Jnl. 1752. §. 20. in gratiam commercio-
rum ac opinciorum creditorí constituta erat hypotheca,
illa, til förekommande af svek, andre rättnättige Borge-
närer sil förfång, jam pridem est abrogata. K. Förordn.
om maxl. och skuldsegl. d. 15. Dec. 1756.

Errata

P. 5. lin. 23. exstat naturalibus leg. naturalis
29. 17. Sepulturum sepulturam

Leviora alia, quæ forte irrepererunt, ipse corrigat. B. L.

